



ОНЛАЙН ЖАЗЫЛУ

1931 жылдың  
4 қазанынан бастап шығады

Қ А Р А Ғ А Н Д Ы О Б Л Ы С Т Ы Қ Қ О Ғ А М Д Ы Қ - С А Я С И Г А З Е Т

www.ortalyq.kz

www.instagram.com/ortalyq.kz/

www.facebook.com/ortalyq.kz/

info@ortalyq.kz

• ВИЦЕ-ПРЕМЬЕРДІҢ ЖҰМЫС САПАРЫ

## Қарғын суға қамданыс қарқынды

Премьер-Министрдің орынбасары Қанат Бозымбаев жұмыс сапары аясында Төтенше жағдайлар министрі Шыңғыс Арынов, облыс әкімі Ермағанбет Бөлекпаев және өңірдің төтенше жағдайлар департаменті бастығы Марғұлан Аманбаевпен бірге аймақтың су тасқыны қаупі бар учаскелерін аралады.



Суға қауіпті аймақтың картасын

**Жәлел ШАЛҚАР,**  
«Ortalyq Qazaqstan»

Бұқар жырау, Шет және Абай аудандары аумағындағы елді мекендер, Нұра және Шерубай-Нұра өзендерінің арналары, Самарканд және Шерубай-Нұра су қоймалары мұқият тексерілді.

Қазіргі күнде Қарағанды облысында елді мекендерді су тасқынынан қорғау мақсатында 180-ге жуық іс-шара орындалған. 1 наурыздан жағдайды тұрақты бақылау үшін жоғары дайындық режимі енгізілді.

Вице-премьердің жұмыс сапары Мемлекет басшысының су тасқыны қаупі бар кезеңге дайындық жұмыстарын үйлестіру бойынша берген тапсырмаларының орындалуын бақылау мақсатын көздеді.

Бүгінде облыста 150 елді мекен ерекше бақылауға алынды. Одан бөлек, 140-қа жуық автомобиль және теміржол учаскелері басты назарға алынып отыр. Өңірде 217 су шаруашылығы құрылыстары бар. Өзірге аймақта жағдай тұрақты, өзендер қысқы режимде. Судың деңгейі төмен және су аз болады деген болжам бар.

Вице-премьер аймақта су тасқынына дайындық жұмыстарының алдын ала басталғанына көз жеткізді.

Төтенше жағдайлар департаментінің мәліметінше, облыстағы инженерлік жұмыстар жоспары аясында 180-ге жуық іс-шара орындалса, оның ішінде 65 шақырым қорғаныс бөгеттері мен біліктері салынып, бекітілді. Өзен арналарының 18 шақырымнан астам су тасқыны қаупі бар учаскелеріне санация жүргізілді. 26 шақырым дренаж және су бұру жүйелері тазартылды. Автомо-

бил жолдарының 75 учаскесінде су өткізу қабілеті ұлғайтылған. Жанар-жағармай (ЖЖМ), инертті материал және қаптар қоры қамтамасыз етілген.

Елді мекендер аумағынан миллион текше метрден астам қар шығарылып, жұмыс жалғасуда. Сонымен қатар, су бұру орларын жасау, каналдар мен арықтарды, су өткізу құбырларын тазарту жұмыстары жүргізіліп жатыр.

Вице-премьер былтыр 60 үйді су басқан Шет ауданында су тасқынына қарсы шаралардың жүргізілуіне баса назар аударды.

Делегация мүшелері әуеден бақылау барысында Ақсу ауылына қонып, дайындық жұмыстарымен танысты. Мұнда ұзындығы 2,3 шақырым болатын қорғаныс білігі тұрғызылған. Аудан әкімі Мұхит Мұхтаров жүргізілген жұмыстар туралы кенінен айтып берді. Оның айтуынша, қорғаныс біліктері бекітілген, қосымша су өткізу құбырлары салынып, су өткізу құрылыстары тазартылып.

Қазгидрометтің болжамынша, көктемде ауа райының күрт жылынуы күтіліп отыр. Біз Төтенше жағдайлар министрімен бірге

су тасқыны қаупі бар аймақтарды айналып ұшып, тексеріп отуді қолға алып отырмыз. Бұл жұмыс Қарағанды облысынан басталды. Былтыр су тасқыны орын алған барлық аумақты айналып өтіп, бірқатар елді мекенді араладық. Бұқар жырау және Қарқаралы аудандарында қар деңгейі нормадан жоғары. Шет ауданына келсек, қар нормадан төмен, ылғал қоры да қалыпты деңгейде. Топырақтың қатуы өткен жылмен салыстырғанда төмен. Сапар барысында облыста ауқымды жұмыс атқарылғанына көз жеткіздік. Десе де, кез келген жағдайға дайын болу керек. Болжам бойынша алда әлі қалың қар жауады және ауа райы жылынады, – деп атап өтті Қанат Бозымбаев.

Сонымен бірге, Вице-премьер дайындықты тағы бір рет пысықтап, барлық күштерді, техниканы әзірлікке келтіру керектігін баса айтты. Жағдайды күн сайын қадағалап отыру қажеттігі де мұқият тапсырылды.

– «Қамдасаң, қапы қалмайсың» демекші, қарғын су қаупінің алдын алуға байланысты атқарылып жатқан шараларды көріп, көзіміз қуанды. Өзім Шет ауданының тұрғыны болғандықтан қардың еритін мезгіліне сақайдай сай тұру керек деп есептеймін. Өйткені, күтпеген жерден күн жылып кетсе, су тасып, былтырғыдай аудан тұрғындарына қауіп төндіруі мүмкін. Бұл бағыттағы атқарылып жатқан жұмыстарды өте орынды деп ойлаймын, – дейді Айдар Алшешеев.

## Жаңғырған шахта, жаңарған өндіріс

Көмір өндіру ісі қайта жанданды. Қарағанды шахталарының екінші тынысы ашылып, кеншілер жұмысы қарқын алды. Бір кездері тұралап қалған өндіріс орындары қайта іске қосылып, «Тентек», «Қазақстан», «Костенко» және «Абай» шахталары жұмысын жалғастырды. Кен өндірісін дамытуға бағытталған «5-9-5» бағдарламасы шеңберінде үнгу бригадаларының саны артты. Жаңа да тегеурінді технологиялар енгізілуде. Бұл тек аймақ экономикасының емес, мыңдаған кеншінің өміріне серпін беретін тың өзгерістердің бастауы.

**Ерканат КЕҢЕСБЕКҰЛЫ,**  
«Ortalyq Qazaqstan»

Кеншілер астанасы атанған өңірде бір кездері 26 шахта, жеті бірдей кен байыту фабрикасы болған. Аты мәшһүр «Қарағанды көмір» бірлестігінде шамамен 120 мыңға жуық адам еңбек етті. Ал, 1996 жылы «АрселорМиттал» Көмір департаментінің активтерін сатып алған кезде мұнда 15 шахта болған. Онда 60 мыңға жуық адам жұмыс істеді. Кейін уақыт өте келе, шахталардың жетеуі жабылып, тек бүгінгі күнге дейін жұмыс істеп келе жатқан 8 шахта қалды.

Қарағанды қаласында 5 шахта болса, қазір тек біреуі ғана қалды. Саран қаласындағы бес шахтаның қазір екеуі жұмыс істейді. Шахтинск өңіріндегі жеті шахтаның қазір төртеуі ғана бар. Абай ауданында төрт шахтаның біреуі ғана қалып отыр. 2023 жылы, алпауыт компания «Qatmet» деп аталған мерзімде сегіз шахтаның тек үшеуі ғана жұмыс істеп тұрды. Қалған бес шахта белгісіз себептермен көмір шығарған жоқ еді. Мұндағы үнгу бригадаларының саны тек 11 ғана болған. Бұл – шахтаның болашағына үлкен қауіп төніп тұр де-

ген астам. Себебі, үнгу жұмыстары жоқ жерде, шахтаның болашағы жоқ. Бүгінде әлгі 11 бригаданың саны бірден 53 бригадаға жетті. Жұмысқа жаңадан адамдар алына бастады. Тұралап қалған шахталар жұмыс істей бастады. Атап айтқанда, 2021 жылдан бері тұрған «Тентек» шахтасы, 2023 жылдан бері тұралап қалған «Қазақстан» шахтасы, апаттан кейін қайта жұмысын бастаған «Костенко» шахтасы, «Абай» шахталарында жұмыс қайта жүре бастады. Қазіргі кезде Көмір департаментінде жалпы саны 14 мыңға жуық адам жұмыс істейді.

Qatmet акционерлік қоғамының ресми веб-сайтындағы мәліметтерге сүйенсек, қазіргі уақытта жүзеге асырылып жатқан барлық жоспары «5-9-5» даму бағдарламасының аясында шоғырланып отыр. Бір мысал, 2028 жылға дейін 5 млн тонна болат, 9 млн тонна көмір өндіру, 5 млн тонна концентрат шығару межесі тұр. Барлық 8 шахтада жұмыс жанданды. Өткен жылы Көмір департаментіне қарасты 8 шахта 6,5 млн тонна көмір өндірді. 42 шақырым үнгу жұмыстары орындалды. 4 шахтада позициялау жүйесі енгізілді. Жыл соңына дейін



Қоғамдық қоры Шығыс Қазақстан

тағы қалған 4 шахта позициялау жүйесіне қосылады. Департаментте орталық диспетчерлік қызмет іске қосылды. Ол жер астындағы кеншілердің жұмысын онлайн режимде бақылап отыруға соны мүмкіндік береді. Онымен қатар, кез келген апатты жағдайлардың алдын алуға жол ашады. Сондай-ақ, алдын-ала дегазация жобасы бойынша тиісті жұмыстар жүргізілуде. Жоталы жоба кеншілер көмір өндіріс бұрын жер қатпарларында сіресіп жатқан газ метанның кем дегенде 50 пайызын өндіріс жұмыстары басталмай тұрып сорып

алуға мүмкіндік береді. Бүгінде 6 скважина қазылып, жұмыс істеп тұр. Осы және өзге де жұмыстар өз жалғасын тауып келеді.

Қантар айындағы комбинат жұмысының нәтижесі сенімді: 283 мың тонна шойын, 319 мың тонна болат, 208 мың тонна кокс және 459 мың тонна агломерат өндірілді. №1 листопрокат цехы 264 мың тонна дайын өнім шығарды, бұл жоспарланған көрсеткіштерден 3,7% жоғары. Qatmet компаниясында Бас директоры Вадим Басынұжымға өндірісті әрі қарай нығайту және қажетті жабықтарды мо-

дернизациялау бойынша тапсырмалар қойды. Қызметкерлердің жұмыс орындарында қауіпсіз еңбек жағдайларын қамтамасыз ету үшін мердігер ұйымдармен жұмыс істеуді күшейтуге назар аударылды.

Жерасты жұмысшысы Асхат Назыров қолына қайла алған кенші табиғатынан сабырлы да төзімді болмағы шарт деп есептейді. Оның айтуынша, шахтерлік кәсіп тек физикалық күшті ғана емес, сонымен қатар, психологиялық тұрақтылықты, үлкен жауапкершілікті талап етеді.

• ЖАҒЫМДЫ ЖАҢАЛЫҚ

## Жастар үйі ашылады

Қарағандыда жастарды бір арнаға біріктіріп, идеясын жүзеге асыруға мүмкіндік беретін ғимарат пайда болады. Қала әкімдігінің қолдауымен жүзеге асатын жоба «Жастар ресурстық орталығының жанынан пайдалануға беріледі».

**Аялым СОВЕТ,**  
«Ortalyq Qazaqstan»

Аумағы 410,5 шаршы метр болатын кең ғимарат белсенді жастар үшін заманауи кеңістікке айналады. Онда әркім өз ұсынғысын білдіріп, идеясын дамыта алады. Сондай-ақ, заңгер мен психологтың тегін кеңесі, кәсіптік бағдар беру және жұмысқа орналастыру мәселелері бойынша ақпараттық қолдау алуға кең мүмкіндік бар.

Жастар бір-бірінің жаңа идеялары мен жобаларына бағыт береді. Күш-жігерін біріктіріп, оған қоса түрлі мәселелері бойынша көмек көрсетеді. Ғимаратта білімін жетілдіретін, әрі пікір алысатын, оларды жан-жақты қолдауға барлық мүмкіндіктер жасайтын ортақ шаңырақ болмақ.

Жастар үйінде тренингтік студия, шеберлік сабақтарына арналған аймақ және мәдени-ойын-сауық іс-шараларына арналған алаң бар коворкинг орталығы жабдықталады. Қазіргі таңда жобалау-сметалық құжаттама бойынша жұмыстар жүргізілуде. Ол аяқталғаннан кейін қала орталығындағы ғимарат күрделі жөндеуден өтеді.



Жер астында жұмыс істеу – жай ғана еңбек емес, бұл – өмір салты. Мұнда әр қадам есептеулі, әр қозғалыс маңызды. Қиын жағдайларда салқынқандылық пен сабыр сақтай білу – кенші үшін басты қасиеттердің бірі, – дейді ол. Асхаттың сөзінше, көмір қабаттарының арасындағы ұзақ сағаттар бойы тынбай еңбек ету, қауіпті жағдайларда жылдам әрі дұрыс шешім қабылдау – шахтерлердің күнделікті міндеті. «Біз бір-бірімізге сенім артып, әрдайым нық тіресе жұмыс істейміз. Бұл жерде төзімділік пен сабыр болса, ұзақ жылдар бойы еңбек ету мүмкін емес», – деп түйіндейді сөзін тәжірибелі кенші.

Осылайша Қарағанды шахталарының қайта жандануы – өңір экономикасының қанжығасына соны салым байлады. Тұралап қалған өндіріс орындарының іске қосылуы, заманауи технологиялардың енгізілуі, кеншілер санын арттыру – бұл көмір өнеркәсібінің болашағы жарқын екенін айғақтайды. Ел игілігі үшін атқарылып жатқан аталған жұмыстар мыңдаған еңбек адамының тұрақты жұмыспен қамтылуына мүмкіндік беріп, өндіріс саласына тың серпін бермек. Көмір – Қазақстанның стратегиялық байлығы, ал, оны өндіру мен игеру – ел дамуының кепілі. Шахталардағы оң өзгерістер – еңбек пен ынталықтың жемісі, болашаққа нық қадам!





